

## Tuzlaci i turisti iz susjednih općina spas potražili na Panonskim jezerima (Foto)

Velike vrućine gotovo su ispraznile tuzlanske ulice i trgove, ali su zato velike gužve vladale na Panonskim jezerima.

Po našoj procjeni između 6 i 7 hiljada ljudi danas je spas potražilo na tri jezera JKP „Pannonica“ i slanim slapovima.

Dežurni u javnom preduzeću rekao je da tačno znaju koliko je posjetilaca bilo na Panonskim jezerima, ali da informacije ne mogu davati bez dozvole direktora Maida Porobića, koji je bio nedostupan.

Sva parkirališta oko jezera bila su krcatana utomobilima, pa i privatna na Trnovcu i Hukalu, brdima iznad jezera, gdje su vlasnici zemljišta cjelodneni parking naplaćivali 3 KM.

Voda u jezerima bila je nešto iznad 26 stupnjeva, dok je temperatura zraka bila oko 33 stepena.

Živa u termometru na terasi jednog Tuzlaka u naselju Sjenjak, kako je javio, zaustavila se oko 15 sati na nevjerovatnih 45 stupnjeva, što samo ilustruje koliko je paklen bio današnji dan u Tuzli i okolici. (tl – Foto: Miroslav Petrović)

Date: 08-07-2017